



Verwysing: 20180618-3443
13/7/1/2
Navrae: NF Sobetwa-Magodla

Omsendbrief: 0024/2018
Vervaldatum: 30 November 2018

Aan: Hoofdirekteure; Direkteure (Hoofkantoor en distrikskantore); Adjunk-direkteure; Hoofonderwyskundiges; Bestuurders: Kurrikulumondersteuning; Kringbestuurders; Bestuurders: Strategiese Inligting, Beheer en Mensbestuur; Bestuurders: GLOO-koördinerings; Assesserings-koördineerders; Vakadviseurs en Bestuurders van leersentrums vir volwassenes

Kort opsomming: *Hierdie omsendbrief lig die leersentrums vir volwassenes in aangaande die finale rooster en reëlings vir die November 2018 Basiese Onderwys en Opleiding vir Volwassenes (VBOO) Vlak 4-eksamens.*

Onderwerp: Finale rooster en reëlings vir die November 2018 Basiese Onderwys en Opleiding vir Volwassenes (VBOO) Vlak 4-eksamens

1. Aangeheg is die rooster vir die November 2018 Basiese Onderwys en Opleiding vir Volwassenes (VBOO) Vlak 4-eksamens. Die eksamens sal op 29 Oktober 2018 begin en op 20 November 2018 eindig. Alle eksamensessies sal om 14:00 begin. Nalating om by die eksamendatums en tye te hou sal as 'n onreëlmatigheid beskou word.
2. Gehalteversekering van eksamenprosedures is noodsaaklik om die geloofwaardigheid van die eksamens te verseker. Dit sal onaangekondigde besoeke aan eksamensentrums insluit om te verseker dat alle eksamens volgens die toepaslike regulasies afgeneem word. Verteenwoordigers van die Wes-Kaap Onderwysdepartement (WKOD), Umalusi en die Departement van Hoër Onderwys en Opleiding (DHOO) sal die eksamenprosedures by die eksamensentrums monitor. Neem asseblief kennis dat moniteurs slegs toegelaat mag word om 'n eksamen te monitor as hulle bewys van identiteit en 'n magtigingsbrief om 'n eksamen namens die betrokke kantoor te monitor, kan toon.
3. Indien 'n sentrum se eksamens op die terrein van 'n hoofstroomschool afgelê word, moet die sentrumbestuurder vooraf reëlings vir die gebruik van die kluis, die administratiewe afdeling, klaskamers, ablusiegeriewe, ens. tref.

4. Die sentrumbestuurder is verantwoordelik en aanspreeklik vir alle administratiewe aangeleenthede wat met die eksamens verband hou.
5. Geen kandidaat mag in die eksamenlokaal toegelaat word tensy hy of sy 'n toelatingsbrief en 'n identiteitsdokument kan toon nie. (Let daarop dat, indien 'n kandidaat toegelaat word om eksamen sonder 'n geldige identiteitsdokument en toelatingsbrief te skryf, hy of sy binne 24 uur bewys van identiteit moet verskaf. Nalating hiervan sal as 'n onreëlmatigheid in die eksamen beskou word.)
6. Die hoofopsiener moet seker maak dat kandidate die eksamenlokaal 35 minute voor die amptelike aanvangstyd van die eksamensessie binnegaan. Hierdie tyd moet soos volg aangewend word:
 - 6.1 Die eerste 25 minute moet aangewend word om die kandidate hul regte sitplekke te laat inneem, vraestelle en antwoordboeke uit te deel en die eksamenregulasies vir hulle voor te lees.
 - 6.2 Gedurende die oorblywende 10 minute moet die kandidate die geleentheid kry om deur die vraestel te lees.
 - 6.3 Dit is nie toelaatbaar om enigiets gedurende die 35 minute te skryf of notas te maak nie. Die oortreding van hierdie reël sal as 'n onreëlmatigheid beskou word.
 - 6.4 Kandidate moet ophou skryf op die tyd wat op die eksamenrooster aangedui word.
7. Sentrumbestuurders word versoek om:
 - 7.1 so gou as moontlik roosters aan al hul onderwysers en kandidate te verskaf sodat hulle hul vir die eksamens kan voorberei; en
 - 7.2 al hul kandidate daaraan te herinner dat hul identiteitsdokumente en toelatingsbriewe voor die aanvang van elke eksamensessie getoon moet word om enige identiteitsbedrog te voorkom.
8. Bring asseblief die inhoud van hierdie omsendbrief onder die aandag van alle kandidate en onderwysers.

GETEKEN: HA LEWIS

WAARNEMENDE HOOF: ONDERWYS

DATUM: 2018-07-06



GETC: ABET LEVEL 4 NOVEMBER 2018 EXAMINATION TIMETABLE / AOS: BOOV VLAK4 NOVEMBER 2018 EKSAMEN ROOSTER (issued 12 March 2018)

Examination Date /Eksamen Datum	Time/Tyd	Code/Kode	Learning Area Description /	Leerareabeskrywing
Monday/Maandag 29/10/2018	14:00 – 17:00	INCT4	Information Communication Technology L4	Inligtings Kommunikasie Tegnologie V4
Tuesday/Dinsdag 30/10/2018	14:00 – 17:00	LCXH4, LCSP4, LCXI4, LCSW4, LCND4, LCZU4, LCSO4, LCVE4, LCTS4,	LLC: IsiXhosa, Sepedi, Xitsonga, Siswati, IsiNdebele L4/ LLC: IsiZulu, Sesotho, Tshivenda, Setswana L4/	TGK: IsiXhosa, Sepedi, Xitsonga, Siswati, IsiNdebele V4 TGK: IsiZulu, Sesotho, Tshivenda, Setswana V4
Wednesday/Woensdag 31/10/2018	14:00 – 17:00	LIFO4	Life Orientation L4/	Lewensoriëntering V4
Thursday/Donderdag 01/11/2018	14:00 – 17:00	ARTC4	Arts and Culture L4/	Kuns en Kultuur V4
Friday/Vrydag 02/11/2018	14:00 – 17:00	LCEN4	LLC: English L4/	TGK: Engels V4
Monday/Maandag 05/11/2018	14:00 – 17:00	TECH4	Technology L4/	Tegnologie V4
Tuesday/Dinsdag 06/11/2018	14:00 – 17:00	LCAF4	LLC: Afrikaans L4/	TGK: Afrikaans V4
Wednesday/Woensdag 07/11/2018	14:00 – 17:00	MLMS4 MMSC4	Mathematical Literacy L4/ Mathematics and Mathematical Sciences L4/	Wiskunde Geletterdheid V4 Wiskunde en Wiskunde Wetenskappe V4
Thursday/Donderdag 08/11/2018	14:00 – 17:00	SMME4	Small Medium and Micro Enterprises L4/	Klein Medium en Mikro Ondernemings V4
Friday/Vrydag 09/11/2018	14:00 – 17:00	TRVT4	Travel and Tourism L4/	Reis en Toerisme V4
Monday/Maandag 12/11/2018	14:00 – 17:00	HSSC4	Human and Social Sciences L4/	Menslike en Sosiale Wetenskappe V4
Tuesday/Dinsdag 13/11/2018	14:00 – 17:00	EMSC4	Economic and Management Sciences L4/	Ekonomiese en Bestuurwetenskappe V4
Wednesday/Woensdag 14/11/2018	14:00 – 17:00	AAAT4	Applied Agriculture and Agricultural Technology L4/	Toegepaste Landbou en Landbou Tegnologie V4
Thursday/Donderdag 15/11/2018	14:00 – 17:00	ANHC4	Ancillary Health Care L4/	Aanvullende Gesondheidsorg V4
Friday/Vrydag 16/11/2018	14:00 – 17:00	ECDV4	Early Childhood Development L4	Vroeë Kinderontwikkeling V4
Monday/Maandag 19/11/2018	14:00 – 17:00	WHRT4	Wholesale and Retail L4	Groothandel en Kleinhandel V4
Tuesday/Dinsdag 20/11/2018	14:00 – 17:00	NATS4	Natural Sciences L4/	Natuurwetenskappe V4